

tanto parli al capitano zeneral de questo et metino tal ordine etc. Fu presa.

Fu posto, per li Consieri, Cai di XL et Savi, havendo richiesto il duca de Milan danari, per tanto li siano dati ducati 5000. Ave: 50 di no. Fu presa.

Fu posto, per li Savi tutti, una lettera a sier Hironimo da chà da Pexaro capitano zeneral da mar, che 'l mandi a disarmar le galie di Candia, et . . . galie di le più vechie, et mandi qualche gallia in Levante, per queste nave francese, per assugar le galie de viazi etc. *ut in parte*. Fu presa. Ave: . . . et fo comandà di questo gran credenza.

Fu posto, per li Consieri, Cai di XL et Savi del Conseio et Terra ferma, che a li ufficiali a le Raxon vechie li siano donati ducati 100, et questo per 4 datii venduti, aspetanti al suo officio, per ducati 40 milia, *ut in parte*. La qual parte fu posta a dì 19 setembrio et non ave il numero di le ballote, hora *iterum* posta, ave: 132, 28, 4; et fu presa.

Fu posto, per li ditti, che a Alvise Fradello, che atende a li camerlenghi di Comun per cogitor con ducati 2 al mexe, li sia azonti altri ducati 2, sì che habi ducati 4, atento la gran fatiga l'ha, *ut in parte*. Et balotà do volte non have el numero de le balote; ave la prima volta: 135, 35, 7; la seconda: 141, 32, 4. Vol i 5 sestì.

174 *Illustrissimo et molto excelente signor mio.*

Hoggi ho receputo do de vostra signoria di 18 et 19. Et quanto a la dovana, prima che arivasseno lettere di vostra signoria, eravamo resoluti con questi signori de dar il cargo a Mathio mio nepote; cussi partirà da matina *cum* il dovanier. Et perchè el possa meglio atender a quella vera, se è ordinato el medemo dovanier che lo pagi sopra il denaro de la dovana. Spero *cum* questo bon recapito se preserverà la dovana, potrà Mathio atender a le cose de la montagna, *maxime* che una dipende da l'altra. Ho fato di novo ordinare a missier Joan Aurefice che mandi le mostre et li conti de Fabricio Maramaldo a vostra signoria, et ne ho scritto anche a lo illustrissimo signor principe, et quanto a le page che ricerca sto meravigliato che per esser el signor Fabricio honorato cavalier et afficionatissimo al servir di vostra signoria, non proveda a la quiete de la zente et de redurle a quello che si po' far, ma dubito de la insolentia più presto loro che non si solgono lassar manezar cussi facilmente, pur l'è necessario che se piglia expediente che si reducano a servir. Et perchè la signoria vostra è di parer che 'l se despe-

discano di queste compagnie, come son stato io sempre, de restringer al manco che sia possibile la spesa, laudo non *solum* che se faccia, per esser cosa tanto necessaria ad farsi, ma prego vostra signoria a darli subito opera, tanto più che, per li avisi che ne li mando copia *cum* questa, li potentati de Italia aspirano tutti a lo acordo, et spero che il primo aviso che si haverà de Bologna, poi l' abocamento del papa *cum* la Maestà, che si siano pacificati tutti per proveder a lo imminente pericolo del Turco, del qual venetiani cominciano a temer. Però l'è da creder che queste frontiere si restituirano de accordo, *unde*, in conformità del parer di vostra signoria, dico che era bene che lei incontinente faccia una capata de le meglio gente che sono, et restringerse al numero di tre milia fanti et 300 cavalli, per le qual sarà forma de continuarli el pagamento ordinario, tenendo el Maramaldo *solum cum* mile fanti, Matio *cum* mile et mile spagnoli, quali si poriano repartir mile contra Monopoli *cum* centocinquanta cavali et mile a Barletta *cum* il resto de li cavali, et il Matio *cum* li mile soi a la montagna et cura de la doana, et il resto di spedir o indrizar a sua excelentia perchè altrimenti seria impossibile posser suplire. Et se 'l Maramaldo non volesse restar, ma andar a trovar il signor principe, potrà vostra signoria satisfarli, et in loco de la banda sua, retenirà fino al numero de due milia spagnuoli.

Questo ne occorre risponder a vostra signoria, però, per esser lei prudentissima et ben informata del bisogno de la guerra, se remette tutto al meglio parer suo, et acciò che con più presteza se possi rimediar a li fanti del Maramaldo si manda in poter di vostra signoria al preceptor Francesco Moles che mandi li 5 milia scudi che tene in conto di le page si davano a le gente del Maramaldo, et apresso se li manda el suplimento *cum* diligentia. 174\*

Certo se judica che pura necessità habia astreto vostra signoria a componer queste terre per evitar maggiori inconvenienti; ma, per star loro exausti et, come sa vostra signoria, in miseria, se è determinato di quà farli bone le sue somme che vanno pagate a vostra signoria in conto de li pagamenti speciali, per il che li piacerà farne mandar anotamento del tutto a Sua Maestà. Hogi ho scritto caldamente el tutto in beneficio de li heredi de Joan de Urbina et fato restituirli li pagamenti, però saperà vostra signoria che la Maestà Cesarea ha fato gratia a monsignor de Monforte del marchesato di Oyra, et tengo ordine da sua excelentia de non dar la possession a l' homo che deve mandar monsignor de Beuri, et